



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

3. Cur timor adhibendus.

[urn:nbn:de:hbz:466:1-47032](#)

vt audeamus illud vulnus maiestatis offerre, aut eius sit adstare conspectui: quis ille pudor erit, quem confusio, post tanta beneficia, tam tepidos, tam imperfectos, tam vacuos apparere ante faciem Dei nostri? Fugiebat Adam ut absconderetur ab eo, post rnius vtiq; poni vtiq; gustum: quid nos post tanta flagitia, post tanta facinora presumemus? quando ab hac confusione purgabitur oculus cordis, cui nunc operam dare negligimus, ut irreuerberata acie, veri illius Solis radios valeat intueri? Sicut fluit cera à facie ignis, sic peribunt peccatores à facie Dei. Ingrediatur vtiq; putredo in ossibus meis, & subter me sed- Psal 67. teat, ut requiescam in die tribulationis buiis septima, & in ea non tangat me malum: malum hoc triplex, horroris, doloris, & pudoris. Felix siquidem anima que fiducialiter inimicis suis loquetur in porta, Quid hic adstas, cruenta bestia? nihil in me fuisse reperies. Felicior cuius opus non arserit, quem superadiscasse aurum, argentum, lapides pretiosos examen illud inueniet. Felicissimus qui sine villa nube confusione, reuelata penitus facie, gloriam Domini speculando, in eandem imaginem transformabitur, & similis erit illi, videns eum sicuti est, vtiq; super omnia Deus benedictus, & laudabilis, & gloriosus in secula seculorum, Amen.

C A P V T III.

Cur timor adhibendus.

Verissime, ita paucissimis verbis plenissime dixit Sapiehs, Qui timet Deum Eccl. 7. nihil negligit: scit enim oculis eius omnia penetrantibus placere nihil posse quod prauum sit, prauum autem esse quod mali aliquid vnde cumque admistum habet: vbi enim aliquid alicunde luxatur, id mancum, decurratum & multum sit necesse est. Modicum fermentum totam massam corrumpit: Qui in uno offendit, multa bona perdet. Hinc illa vel ad agendum sollicitudo, vel post actionem Eccl. 7. 1. Cor. 5. formido Sanctorum, ne quid minus rectum, vel operi, vel cogitationi irrepatur: quod in tanta, vel hominum infirmitate, vel blandientium lensum pellacia, vel insidiantium hostium asturia, quam proclive est? quam pronum est, ut vel formido ab agendis praepedit, vel precipitatio ad non agenda impellat; impugnet, aut etiam aperte praua cupiditas expugnet, insidietur denique inanis gloria, victosque superet: & nihil istorum, nihil ceterorum, occultum est Deo, nihil dissimulabit Iudex.

Quis ille est qui non aliquando ex negligentia torpeat, qui cupiditatum aestu non abducatur, qui affectibus non concedat interdum, blandientibus & adulantibus oblectetur, plus iusto ferueat, moderationis affectatione, in languore soluat? Quam sapere in confinio virtutum sunt vitia, & in haec prolabimur, dum illas improvidè sectamur, & nonnūquam vitiasunt, quas virtutes putabamus? Quare, si nec virtutum securi sumus, ecquid erit vbi cōfitemus? Offerebat B. Iob holocausta

Iob 1.1. causta pro filiis, Ne fortè peccassim: quod ad mores, & ad rem nostram euocant
 Lib 1.c.18. Beatus Pater Gregorius ait, Holocaustum per singulos filios offerimus, cùm pro vna.
 seu 35. quaq; virtute, Domino hostiam nostræ preciis immolamus, ne sapientia eleuet; ne intellectus, dum subtiliter currit, aberret; ne consilium, dum se multiplicat, confundat; ne fortitudo, dum fiduciam præbet, precipiter; ne scientia, dum nouit, & non diligit, inflet; ne pietas, dum se extrare cœtudinem inclinat, interqueat; ne timor, dum plus iusto trepidat, in desperationis foueam mergat. Sed hac agere nesciunt nisi hi, qui prius quam cogitationes ad opus prodeant, internos suos motus sollicitè frenant. hac cauere nesciunt nisi hi, qui vnde custodia munirementem nouerunt.

Vt autem cetera missa faciamus, tria potissimum in rectis operibus, & cœienda, & timenda, & obseruanda nobis sunt, quemadmodum & iis maximè in Mor. 1.1. struere insidias Satan assolet: omninoque æquissimum est, vt nou minus fer. 19. seu 38. uandis nobis, quām ille perdendis, vigiles excubemus. Primo igitur, & maximè nititur, à prima origine, & quasi à capite, quæ volebamus bona sic inficere, vt deinceps impurum omne sit, quod à perturbato fonte dimanat. Tunc autem à capite riunte omnia, quando ex aliquo fine malo apposito, seu, quod clarius dicitur, intentione non recta, ad agendum accedimus, vt sit quoties opinionis, fauoris, gloriolæ humanae, oblectationis, aut alterius minus recte intentionis causa, impelliunt ad agendum: nobisque quadrat quod de Iudiciis dictum; Facti sunt hostes eius in capite. ideoque vt grauitate vulnerato capite, colloque obtorto, totum hominem in potestatem redigere facile est; ita Satan actionem eam, quam in prima intentione vitiauit, suam totam sibi facere videtur. Sin autem hic minimè procedit dolus, tum verò astutus ille conatur, vt propositi secura mens, absque timore incauta perget, eiique latenter vita subiungit, quibus insidiosè in laqueos ipsa procurrat: boni delectationem exaggerat, vt illabente supērbia efferratur: humanam laudem ardentem oblitus, vt si quæsita non fuerat, saltem oblata delectet: sapè iusto aliquo opere inchoato, ira succeditur; dumque zelus immoderatio mentem turbat, quietis intimæ pacem exturbat: grauitati cordis, mœsta & deprimens tristitia insidiatur; dumque iners mœstitia cauetur, in tam effusam lœtitiam animus effunditur, vt grauitatis modestiaque metas indecorè transfiliat. Sed & mille alijs occultis modis in fraudem agimur, nec est qui non verissimum dicat: In via hæc qua ambulabam, absconderunt laqueum mihi. Quām miserando exitu: ex alienacalamitate vis audire narrat Ieremias; Venerunt octoginta viri de Sichem, & de Silo, & de Samaria, rasi barba, & scissis vestibus, squalentes: munera & tuis habebant in manus, vt offerent in domo Domini. Egressus autem Israël filius Nathania in occursum eorum de Massaba, incedens & plorans ibat: cumq; occurrisset eis, dixit ad eos: Venito ad Godeliam filium Abicam. Qui cum venissent ad medium ciuitatis, interfecit eos. Hæc est eorum quæ non raro nobis accidentunt, imago. Quasi oblatur in domo Domini tuis & munera venimus, quis aucta opera iunctis orationibus aggrediatur.

Psal. 14.

Ierem. 41.

mur: qui velut rasi barbam, nostris viribus minimè fidimus; qui velut consciens vestibus, nos ipsos, vitamque transactam cum pœnitudine lugemus. At ubi minus cautè in ipsa sanctæ deuotionis & operationis via circumspicimus, Ismaël Nathaniæ filius, hoc est malignus quilibet spiritus, & priore nequior, in occursum egreditur; simul incedit, & plorat; idem virtutis studium simulat, lugentis induit speciem, ut ad cordis intima penetrans, tanto profundiū vulnus infigat: spondet etiam altiora, ut securius perimat, Venite, inquit, ad Godoliam; & in medio ciuitatis interficit, non in saltu, non in nemore, sed ubi tota & mera securitas. ita dum ad sublimiora, quam pro viribus nitimur, qui per præcipitia stetimus, in plano labimur, ipsaque securitate, non secus quam in mari vento nimium secundo, in scopulos latentes impasti, prædiuitis nauigij, pretiosarumque virtutis mercium, quo insperatiorem, eo misericordiorem iacturam facimus.

At vero, si nec à capite potuit, nec in ipsa seu fluxione, seu effectione operis eneruare vim virtutis, acier aduersus extrema cooritur, finemque & actionis extrema vitiare, omni conatu, vi, fraude contendit, id vnum sibi superesse sciens ex quo aliquid possit euincere. *Ipsi calcaneum meum obseruabit*, ait Propheta; similiterque afferit, *Ipsa tuum obseruabit caput, & tu calcaneum eius. Sole-* Psalms. 55.
Genes. 3.
inuenta 70.
mus enim, vigilantes in principiis, ab initio solertiū cauere: quod animaduertens humanae salutis hostis, vim totam calliditatis pessimæ, ad nos in extremo saltu debilando, astutè collocat: inde videas, longo iam decursu stadio, meta propinqua lassatos, & à cursu cessantes; videas à sanctarum actionum crebriitate & sollicitudine, ad raritatem remissionemque deflectentes; videas qui iam se diuites esse, iam triumphare credant, cùm pauperes & egeni, ne quidem quam sit curta domi supplex norint; incerta, malis admixta, turgentia, pauca, parua, distorta, mutila, integrorum & perfectorum loco habent, iisque non secus ac lacernis & scrutis pauperes, vanissimè atque stultissimè gloriantur. Numquid homo, Dei comparatione iustificabitur, aut factore suo purior erit vir? *Iob 4.*
Ecce qui seruunt eī, non sunt stabiles, & in angelis suis reperit prauitatem. Quanto magis hi qui habitant domos luteas, qui terrenum habent fundamentū, consumuntur velut à tinea? *Quis potest dicere, Mundū est cor meum?* quis dicat, In toto quarumlibet actionum Prov. 20.
mearum tenore, nihil est in exordio, in progressu, in fine vitiatum? Quis ita sibi perpetuò præfens est, ut nihil usquam eripi, nihil incogitanti patiatur irreperi? Mito ceteras timendi causas, peccata præterita, de quibus quamvis propitiatis, noli esse sine metu; beneficia ingentia, ingenitam gratitudinem exactura, gratias, dona, talenta, tempus, vitam, occasionem, aliaque plurima, quorum, cùm tempus fructuum aduenerit, prouentus reposcetur, datique & expensi rationes conferentur: quam multa, hinc deesse, inde superesse reperientur! profecto, quod afferuit S. Iob, vnum pro mille non respondebimus. Excitat nos hic salutaris timor, nimiumque ad torporem pronos vigilare solitos cogat.

Pp 2 Quid

Quid verò de amore mei censembo? si totum sibi Deus postular, si & illi & mihi simul amando, par esse non possum: ergóne ab illo excidi? ò quām iusta formido! quām vehemens trepidatio! sentio ex hoc amoris mei fonte consilia, conatus, actiones fluere, sentio illo moderatore cuncta fieri, illo remittente cuncta languescere, inardescere vbi se inflammatius excitarit. Isti profundo, sine fundo immergor, emergendi conatus in irritum est, deprimer dum attoller, dumque enitor sursum, densius infigor, placent vincula, durum est solui. O feram domesticam, ò blandum venenum! mortemque Sardonio risu inferens! Viam, orbem toto, vociferans exaudiri possem, & singulis perpetuò accinbre; Caue te, mortales, caue te, vos amando, vos perditis; in Deum transferre amorem, & haec vnicula salus est. Sed ò inanissimam inanitatem mihi vndique sexcentis artibus illudentem, idque ex meinim studio! ita fit, alios homines cogito, monitos erroris cupio, tum vt mea mihi culpa èd leuior, quò in plures cōmunicata videatur, tum vt quasi peritior quidam habear, aliis etiam monendis idoneus: at mihi mea priùs fuerant, quām aliena, ad viuum vinera caudenda. Verè, si me penitus intropicio, non habeo, vnde hunc amoris nimij timore excutiam.

Insidiosam verò illam, furtimque semper alicunde irrepentem prolem eius, nempe sui suarumque terum, quam dicunt, complacentiam, quando & quomodo vitabo? hei mihi, quoties illam querò, diligo, amicissime cōplector, nec extimesco, sed præfido, serpentem in sinu fouens: & quām penetrabilis perniciosaq; afflatius serpens! quām grande malum, malorum omnium pestifera radix, angelorum prima cōcussura, & extrema prolapsio! ecce tāletifero istius excētū sibilo, purissimi illi spiritus à celis ad inferna detraeti sunt, ego verò, quā nimia temeritate, eodē illo toties delinitus, nihil impallo, sed cālestē mihi & stabile gloriā spondeo: dico quod quidam olim, *In calum ascendam, ascendam super altitudinem nubum, super astra Dei exaltabo solium meum, & similis ero Altissimo: nec ab illa auditione pessimā timeo: Verum tamen, quidquid ipse tibi placueris, inqd quia tantopere tibi placuisti, quia omnia tua tibi vt placeceres fecisti. Amen dico tibi, operarie iniquitatis, recepiisti mercedem tuam, ad inferos in profundum laci detrahetur superbia tua.* Verè, Domine Deus meus, quoties hæc attentiū cogito (fateor tamen, ratiūs & leuiūs quām deberem cogito, da gratiam, vt frequentius & utilius;) quando ramen cogito, pertimesco, nec video quid à me sperare possim; totus enim iti complacentiae implicor, neque sic hedera multiplicibus fibris vitem, vt illa singulas meas actiones circumamplectitur, stringit, strangulat, enecat, nec mihi vsquam, nisi à teuero iustoque, ad clementem & misericordem Deum, effugium patet.

Isaie 13.

C A

